

AUTORSKE NOVINE

juli/srpanj 2017.

SADRŽAJ:

- **AMUS primljen u redovno članstvo CISAC-a**
- **Obilježen 21.06. Svjetski dan muzike i peta godišnjica od dobijanja licence AMUS-a**
- **Upravni odbor AMUS-a usvojio Izvještaj o isplati autorskih naknada za prvu polovinu 2017.**

Generalna skupština CISAC-a jednoglasnom odlukom primila AMUS u redovno članstvo Svjetske konfederacije autorskih društava

Datum 8.6.2017. godine zlatnim će slovima biti upisan u historiju AMUS-a i muzičkog stvaralaštva u Bosni i Hercegovini.

Naime, Svjetska konfederacija autorskih društava (CISAC) je na svojoj Godišnjoj skupštini koja je održana u Lisabonu jednoglasno donijela odluku o prijemu AMUS-a u redovno članstvo ove organizacije.

U obrazloženju ovakve odluke navedeno je kako je AMUS u posljednje vrijeme učinio krupne korake u svom razvoju i tako postao moderna svjetska kolektivna organizacija koja veoma uspješno na teritoriji Bosne i Hercegovine ostvaruje prava autora muzičkih djela. To dokazuju i brojni recipročni ugovori sa sestrinskim organizacijama širom svijeta što je, posebno u prošloj i ovoj godini, ojačalo položaj AMUS-a na međunarodnom planu.



SERVING AUTHORS WORLDWIDE
AU SERVICE DES AUTEURS DANS LE MONDE
AL SERVICIO DE LOS AUTORES EN EL MUNDO



ASOCIJACIJA KOMPOZITORA
MUZIČKIH STVARALACA
АСОЦИЈАЦИЈА КОМПОЗИТОРА
МУЗИЧКИХ СТВАРАЛАЦА
ASOCIJACIJA SKLADATELJA
GLAZBENIH STVARALACA



U proteklih godinu dana pred AMUS-om su bili brojni uslovi i zadaci postavljeni od strane CISAC-a. AMUS je te zadatke uspješno ispunio, što je i rezultiralo današnjim prijemom u redovno članstvo, koji je od ogromnog značaja za AMUS kao i sve njegove članove.

Podsjećamo, AMUS je 2013. godine primljen u CISAC, ali kao pridruženi član. Prije dvije godine AMUS-u je produžen takav status u CISAC-u, da bi konačno danas AMUS postao punopravan član velike porodice koja broji 239 autorskih društava.

Godišnjoj skupštini CISAC-a u Lisabonu prisustvovali su predsjednik Skupštine AMUS-a, Edin Dervišhalidović, i generalna direktorica Stručne službe AMUS-a, mr. Lejla Trnčić, koji su u ime 890 članova AMUS-a zahvalili CISAC-u na prijemu i ukazanom povjerenju.



AMUS obilježio Svjetski dan muzike i petu godišnjicu dobijanja licence



U Sarajevo City Centru AMUS je 21.06.2017. prigodnom manifestacijom obilježio Svjetski dan muzike i petu godišnjicu dobijanja licence od Instituta za intelektualno vlasništvo BiH. Ovo interesantno muzičko putovanje pokazalo je raznolikost i bogatstvo domaćeg stvaralaštva kroz nastupe naših učesnika. Muzičko stvaralaštvo za djecu predstavili su najmlađi izvođači, dječiji hor Suncokreti.



Nakon njih vidjeli smo i na koji način se njeguje i čuva tradicionalna muzička kulturna baština Bosne i Hercegovine kroz nastup ansambla Etnoakademik Muzičke akademije Univerziteta u Sarajevu.



Virtuoznom izvedbom djela klasične muzike na harmonici predstavio se višestruko nagrađivani ansambl harmonika Klaster Muzičke akademije Sarajevo a DJ Mahir

Beathouse nas je kroz svoje remixe najvećih pop rock pjesama domaćih autora podsjetio na bezvremenske hitove u posljednjih pedesetak godina.



Ova peta obljetnica rada AMUS-a na zaštiti i promociji muzičkog autorskog stvaralaštva još je značajnija zbog činjenice da je AMUS nedavno primljen u članstvo Svjetske konfederacije autora CISAC kao punopravna članica, što je na najbolji način pokazalo da je u proteklih pet godina AMUS napravio krupne korake u razvoju čime je postao moderna svjetska kolektivna organizacija koja izuzetno uspješno ostvaruje prava autora muzičkih djela na prostoru Bosne i Hercegovine.

Upravni odbor AMUS-a usvojio Izvještaj o isplati autorskih naknada za prvu polovinu 2017.

Upravni odbor AMUS-a je na sjednici održanoj 07.07.2017. usvojio Izvještaj Stručne službe AMUS-a o isplati autorskih naknada za prvu polovinu 2017. godine. Shodno tome, počele su pripreme za isplatu autorskih naknada. Planirano je da isplata počne u petak, 14.7.2017. godine. Zbog velikog broja virmana za uplatu autorskih naknada, članovi AMUS-a mogu očekivati naknade na svojim bankovnim računima u sedmici koja počinje 17. jula 2017.

Stručna služba će članstvo AMUS-a redovno obavještavati o detaljima predstojeće isplate.

